

## ¡BOMBA!

El amago arancelario es un desvío de atención, pues quiere evitar mister Trump hospedaje carcelario



# K'intsil

Lunes 28 de julio de 2025

CAMPECHE · YUCATÁN · QUINTANA ROO · AÑO 11 · NÚMERO 2529 · [www.lajornadamaya.mx](http://www.lajornadamaya.mx)

## Lalaj winale', yóok'olal tecnologíae', kuxu'upul kex u jo'ojaatsil náajal ich mexicoil najo'ob: xaak'al



Efe / p 19  
Oochel Fernando Eloy

Ichil mexicoil najo'obe' ku bo'ota'al 7 mil 714 pesos (kex 416 dólares) ti'al u k'aabéetkunsal Tecnologías de la Información y Comunicación (TIC). Le je'ela' ku chíikbesik kex u 19% ti' tuláakal xuup ku beeta'al, beey úuchik u ya'alal le sábado máanika, ti' jump'éeel xaak'al beeta'ab tumen u mola'ayil The Competitive Intelligence Unit (CIU).

Ichil xuup ku beeta'ale', táaka'an u ma'anal smartphones yéetel computadoras, ba'ale' beyxan u bo'olil Internet, u plataformasil

streaming yéetel uláak' nu'ukulo'ob ku conectarta'al je'el bix relojes inteligentes.

"Tecnología ts'o'ok u jelbesik bix u máan kuxtal bejla'e', tumen jach k'a'anan (...) le bix ts'o'ok u k'éexelo' ku chíikbesik xan bix u k'éexel xuup ku beetik baatsilo'ob, tumen taak'in ku xu'upul ti'al tecnologíae' chan nonoj", a'alab tu xaak'alil The CIU.

Ichil u jaatsil ba'axo'ob ku maas chíikpajal ku yúuchul xuup yóok'olal tecnologíae' ti' yaan: u ma'anal Internet fijo, tumen lalaj winale' u promedioil xuup ku beeta'al

yóok'olale' ku chukik 544 pesos (kex 27,2 dólares), tu paache' ti' yaan u plataformasil streaming (SVOD), ku tojoltik kex 316 pesos (óoli' 15,8 dólares) ti' cada jump'éeel naj, ts'o'oke' yéetel le beyka'ajo' ku yantal kex ka'ap'éeel servicios de beyo'.

Yóok'olal servicio móvil, le jach táaj k'a'abeto', je'el bix smartphones, ku beetik u xu'upul 140 pesos (kex 7 dólares) lalaj winal.

Xaak'al beeta'abe' tu ye'esaj u promedioil xuup ku yantal yóok'olal jump'éeel túumben smartphone, tu

yáax óoxp'éeel winalo'ob ti' u ja'abil 2025 tu chukaj 4 mil 627 pesos (óoli' 231,3 dólares), ts'o'oke' le beyka'ajo' ku xu'upul óoli' lalaj 25,8 winalo'ob.

Walkil lajunp'éeel ja'abo'obe', a'alab te'el xaak'alo', xuupe' ku chukik 2 mil 600 pesos (kex 130 dólares), le beetik ku yila'ale' ya'abchaj u 78%, tumen káaj u k'aabéetkunsal uláak' ba'alo'ob je'el bix cámaras profesionales, accesos biométricos, u consolasil báaxal, kúuchilo'ob ti'al náaysaj óol, kaambal, meyaj, u nu'ukulil u nu'ukta'al taak'in, ichil uláak' ba'alo'ob.